

DIALOGUS
MORTIS ET POËTÆ.
ARGUMENTUM DIALOGI.

*Poëta Montem Parnassum scansurus ab obvia Morte
impeditur, & sese moriturum intelligit.*

Poëta.

Este salutati colles & culmina Pindi! (c)
Vos ego non raro scando Poëta pede.

Mors.

Siste pedem! posthac Pindum te scandere nolo;
Vade viam mecum, quam nigra fata jubent.

Poëta.

Quæ tua te monstrum genuit tam rustica mater,
Quòd me propositam non finis ire viam?

Mors.

Mors ego sum, primi genuit me crimen Adami:
Imperio vivens subjacet omne meo.

Poëta.

Cede! nihil nobis atrâ cum morte Poëtis,
Aonii (d) vates utpote morte carent.

Mors.

Mortis in Aonios jus est æquale Poëtas,
Ut mea falx hominum demerit omne genus.

Poëta.

(c) Parnassus & Pindus à Poëtis promiscuè sumitur, est-
que mons musis sacer, quem Poëta scandere se fin-
gunt: (d) Poëtæ, qui & vates dicuntur, ab Aonia re-
gione Bæotia, in qua est Parnassus, Aonii cognomi-
nantur.

Poëta.

Falx metat in pratis tribulos, & gramina sternat,
Flos (e) Pindi nullâ falœ metente cadat.

Mors.

Falx mea purpureum sternit cum gramine florem;
Flôsne sit, an stramen, concidit omnis homo.

Poëta.

Concidat omnis homo, sed tu nos scito Poëtas
Esse homines inter quid mediũque Deos.

Mors.

Contra vim mortis, contra mea spicula, nullum
In mundo medium, scito, Poëta dari.

Poëta.

Si sic, in faciem nobis mentitur Apollo, (f)
Cujus ab eloquio morte Poëta caret.

Mors.

Morte carent virtus & gloria, famaque vatum;
Vatibus hoc tantũ impondet Apollo suis.

Poëta.

Quid mihi, si morior, virtus & gloria prodest?
Quidve potest manes (g) fama levare meos?

Mors.

Una facit virtus, ut sis post funera vivus;
Virtuti studeas, sicque beatus eris.

Poëta.

Unde beatus ero, si me Mors barbara tolles?
Quem tua falx sternit, flôsne beatus erit?

(e) Intellige Poëtam. (f) Deus Poëtarum. (g) Manes dicuntur animæ Defunctorum,

Januā sum vitæ : Si non es morte peremptus ,
Regnans cum Christo non potes esse tuo.

Poëta.

Dic mihi , qui potero cum Christo regna tenere ,
Discendique modum da mihi , dàque moram.

Mors.

Disce mori vivendo piè , moriendòque vives ,
Quando cum Christo Rex sine fine reges.

Poëta.

Ergo , ut cum Christo tandem post funera regnem ,
Emoriar ; vitam mors dabit ipsa novam.
Jamque mihi Musæ (h) supremum dicete carmen ,
Hoc argumentum sit breve : *Vado mori.*

Vado mori , suntò versùs exordia mœsti.

Sit versùs eadem clausula : *Vado mori.*

Vado mori : nostræ cum sint exordia vitæ ,

Hæcquè sit ejusdem clausula : *Vado mori.*

PROCESSIO MORTUORUM.

Mors.

SUm via communis , per quam caro præterit omnis ;
Me duce nunc in eas hoc iter omnis homo.

Homo.

Vado mori mortalis homo (i) concretus in alvo ;

Dumque brevi vixi tempore , vado mori.

Mors

(h) Deæ Artium , quarum sunt numero novem , quæ cum Apolline in parnasso resident , & à Poëtis ad inspiranda carmina invocantur. (i) Homo natus de muliere brevè vivens tempore. Job. XIV. v. 1.

Mors.

Præ Laicis Clero primi debentur honores,
Præ Laicis ergo splendide Clere veni!

HIERARCHIA SÆCULARIS.

Papa.

Vado mori, tibi Roma novum nunc elige *Papam!*
Mors iussit *claves* reddere, vado mori.

Cardinalis.

Vado mori magnus, decorat quem *purpura*, Præsul.
Jam mea *palescit purpura*, vado mori.

Patriarcha.

Vado mori, *Patriarcha* viam patefecit *Adamus*;
Hanc ego cum priscis ambulo, vado mori.

Archi-Episcopus.

Vado mori mitrâ facer *Archi-Episcopus* altâ;
Mors calcat *mitræ cornua*, vado mori.

Nuncius Apostolicus.

Vado mori *Sedis Romane* *Numius*, illud
Pontifici Romanæ *nuncio*: vado mori,

Episcopus.

Vado mori, nobis succedat *Episcopus* alter;
Pontificale *pedum* defero, vado mori.

Suffraganeus.

Vado mori, nemo mihi *suffragabitur*? ergo
Nec *suffragari* plus volo, vado mori.

Præpositus.

Vado mori, velle nunc unicuique libenter
Præpositi munus cedere, vado mori.

Decanus.

Vado mori Cleri praeses, magnusque *Decanus*;
Elige nunc alium Clerice! vado mori.

Archi - Presbyter.

Vado mori, morti non est discretio Cleri;
Excepto morimur nemine, vado mori.

Fiscalis.

Vado mori, multam *Fiscali* funera dicant;
Pro multa vitam porrigo, vado mori.

Camerarius.

Vado mori, nolo *Camerarius* esse, resigno;
Mors est in *Gameris* abdita, vado mori.

Definitor.

Vado mori, vixi, *Definitor*que peregi
Definita mihi tempora, vado mori.

Custos.

Vado mori *Custos*, non est *Custodia* vitæ;
Mors nos oppugnas undique, vado mori.

Canonicus.

Vado mori, *Canones* Mors imperterrita spernit;
Corpora prosternit Clerica, vado mori.

Præbendarius.

Vado mori, *Præbenda* vale *Præbenda* sequenti;
Prædam me Morti præbeo, vado mori.

Concionator Aulicus.

Vado mori, longos sermones Aulicus odit;
Hæc ergo *brevis* est *concio*: vado mori.

Capellanus Aulicus.

Vado mori, jubeor *currentem* discere *Missam*;
ITE domum, MISSA EST integra, vado mori.

Paro-

Parochus.

Vado mori *Pastor*, me grex meus usque sequatur;
Ad cæli tendo *pascua*, vado mori.

Sacellanus.

Vado mori, volui fieri cum tempore *Pastor*;
Fata vetant, & Mors invida; vado mori.

Presbyter.

Vado mori, sacram non sum securus *ad aram*;
Mors *aram violas* impia! vado mori.

Diaconus.

Vado mori, salve Mors optatissima! lætor,
Cum mihi *lata feras* (k) *nuncia*; vado mori.

Sub-Diaconus.

Vado mori, *Fratres!* hortatur *Epistola prima*: (l)
Hora est de somno surgere, vado mori.

Catechista.

Vado mori, summus *Catechismi terminus* instat,
Mors, Judex, Orcus, Gloria, vado mori.

HIERARCHIA RELIGIOSA.

Mors.

Quidquid se claustris, quidquid se condidit antris,
Exeat, *exemptus* non datur *Ordo* mihi.

Generalis Ordinis.

Vado mori, lex est *generalis*, & hæc *Generales*
Obligat in quovis ordine, vado mori.

Abbas.

(k) id est Evangelium, cujus recitatio Diaconorum, &
recitatio Epistolæ Subdiaconorum est.

(l) Dominica prima Adventûs ad Rom. XIII. v. 11.

Abbas.

Vado mori vester, Monachi, Venerabilis *Abbas*;
Quis modò vult mecum vadere? vado mori.

Visitator Ordinis.

Vado mori, vivos metuit mors *visere* Fratres;
Debeo *defunctos visere*, vado mori.

Provincialis.

Vado mori, nova monstratur *Provincia* nobis;
Ex hac nunc in eam transmigro, vado mori.

Socius Provincialis.

Vado mori, solus meus ito praeses! oportet
Me *Socium* morti jungere, vado mori.

Exprovincialis.

Vado mori, titulo nimum compellor inepto;
Nominer ut verò (m) nomine, vado mori.

Prior.

Vado mori, *Patri* loquitur Libitina(n) *Priori*.
Ite chorum, Monachi, me sine, vado mori.

Rector.

Vade mori *Rector*, valeant *collegia* nostra;
mors *Collega* meus fit modò, vado mori.

Guardianus.

Vado mori, totum Mors vastat & occupat orbem;
Nulli *salva* datur *guardia*, vado mori.

Superior.

Vado mori, primus num quis sit an infimus,
unum est;
Mors miscet summis infima, vado mori.

Sub-

(m) Exprovincialis sumitur hic quasi extra Provinciam.
(n) Libitina Dea Funerum.

Sub-Prior.

Vado mori, Patrem primus sequor ipse *Priorem*;
Ultimus & primus non eo, vado mori.

Minister.

Vado mori, vestrum vetuit mors esse *Ministrum*;
Jamque *ministerium* finio, vado mori.

Vicarius.

Vado mori, nemo meus esse *Vicarius* optat.
Ipse meo fungor munere, vado mori.

Senior.

Vado mori *Senior*, *senium* jam gratia rara est;
Vix videas unum *Nestora*, (o) vado mori.

Concionator.

Vado mori, dixi toties de morte futura;
Illud adhuc *moriens* *predico*, vado mori.

Professor Theologiae.

Vado mori, requiem num sum visurus, an ignem?
Hac est *subtilis questio*, vado mori.

Lector Theologiae.

Vado mori, multum sum de *Deitate* locutus;
Nunc beet ipsa *Dei visio*, vado mori.

Professor Philosophiae.

Vado mori, *vacuum* Mors velle probare videtur,
Omnia dum tollit corpora; vado mori.

Lector Philosophiae.

Vado mori, toto Mors semper in orbe vagatur;
Mors est *continuum mobile*, vado mori.

Biblio-

(o) Nestor, quem alii 90. alii 300. annos vixisse volunt.

Bibliothecarius.

Vado mori, libro mihi mors reperitur in omni;
Gens mecum (p) loquitur *mortua*; vado mori.

Magister Novitiorum.

Vado mori, juvenes docui vos plurima Fratres!
Illud adhuc unum discite, vado mori.

Confessionarius.

Vado mori, lavam mihi mors dicebat in aurem;
Non potes absolvi, vadito! vado mori.

Cellarius.

Vado mori, Bacchi supremus in arte minister,
Bacche vale, serva dolia? vado mori.

Archimagyrus.

Vado mori, Rex ante focum dominusque culinæ;
Finita est regni gloria, vado mori.

Procurator.

Vado mori, Fratres! vester *Curator* habebat;
Nunc ali *curam* tradite, vado mori.

Dispensator.

Vado mori, vitam rector *dispensat* Olympi;
Parva cuique datur *portio*, vado mori.

Bursarius.

Vado mori, *bursam* cum nummis servo tumentem;
Illam nunc alter sumito, vado mori.

Granarius.

Vado mori, Superi! quot sunt tibi spicula morti?
Non tot sunt *Cereri* (q) *granula*, vado mori.

Sacri-

(p) Alluditur ad illud tritum Bibliothecariorum: LQ-
QUOR CUM MORTUIS. (q) Ceres Dea frugum.

Sacrista.

Vado mori, rerum custos *Sacrista* sacrarum;
Nulla datur Morti res sacra, vado mori.

Lector Mensæ.

Vado mori, prandete mei bibitotèque fratres.
Interea vobis prælego: vado mori.

Monachus.

Vado mori *Monachus*, valeat Prior asper & Abbas,
Solvendus claustrum carcere, vado mori.

Ostiarus.

Vado mori, quidam *pulsavit ad ostia* claustrum;
Quis sit, id ex strepitu colligo, vado mori.

Frater Clericus.

Vado mori, magnus fiam super astra *Sacerdos*;
Primitias illuc defero, vado mori.

Frater Laicus.

Vado mori, Laicus Fratrum postremus habetur;
Mors omnes æquat pallida, vado mori.

Novitius.

Vado mori, claustrum petii, mundo valedixi;
Mundum cum claustrum, defero, vado mori.

Eremita.

Vado mori, cæco me Mors invenit in antro;
In lucem raptus prodeo, vado mori.

STATUS AULICUS.

Mors.

Vos quoque, qui populos regitis, vestrosque
clientes,

Estis de servis, mancipiisque meis.

Cæsar.

Cæsar.

Vado mori *Cæsar* supremus in orbe Monarcha ;
sed Mors est major *Cæsare*, vado mori.

Rex.

Vado mori, non sum *Rex* illâ lege solutus,
Rex magnus vili cum grege vado mori.

Electus.

Vado mori, dulcis non est *electio* vitæ
Me penes ; omnis abest optio, vado mori.

Dux.

Vado mori de stirpe Ducum *Dux* ipse creatus ;
Quò Mors me ducat, nescio, vado mori,

Princeps.

Vado mori *Princeps*, à primo denique vitæ
Principio potui dicere: vado mori.

Comes.

Vado mori *Comitum* sanguis, *comes* iboque Mortis ;
Mors est *incomis* bestia, vado mori.

Baro.

Vado mori claro liber *Baro* stemmate natus.
Stemmata Mors nescit *libera*, vado mori.

Eques.

Vado mori generosus *Eques*, temeraria gaudet
Mors *equites* ab *equis* sternere, vado mori.

Comes Palatinus.

Vado mori, *Diploma* meum Mors frivola cassat,
Quamvis à summo sit Jove, vado mori.

Nobilis.

Vado mori, fallax est *nobilitatis* imago,
Virtus *nobilitas* unica, vado mori.

MINISTERIUM.

Mors.

Ejicio magnos, invito rege, Ministros;
Omnis ad imperium se movet aula meum.

Vice-Rex.

Vado mori *Vice-Rex*, non est mihi tanta potestas,
Ut mortem valeam pellere, vado mori.

Primus Minister.

Vado mori, *primum* Mors effrænata *Ministrum*
Abdicat, invito Principe, vado mori.

Plenipotentarius.

Vado mori, quid jam mihi *plena potentia* prodest?
Mors in nulla coit *fœdera*, vado mori.

Legatus.

Vado mori, Mortem Deus omnem *legat* in orbem;
Nunciat hæc cunctis, quæ mihi, vado mori.

Cancellarius.

Vado mori, Fatum *Cancellus* intrat apertos,
Quando clausa videt limina, vado mori.

Aula Præfectus.

Vado mori, Mors sceptrum tenet, Mors regnat in
Aula;

Stare sub hoc nequeo præside, vado mori.

Consiliarius Intimus.

Vado mori, Morti quis *Consiliarius* audet
Mandanti contra dicere? vado mori.

Ceremoniarius.

Vado mori, toto frustra me corpore curvo;
Debeo me sub humum mergere, vado mori.

Camerarius.

Vado mori, *cameram* mihi Mors assignat *opacam* ;
Feralem *tumbam* pandite! vado mori.

Nobilis Aulicus.

Vado mori, Mors & Livor regnatis in *aulis*,
Aulica vita vale, pompæque! vado mori.

Thesaurarius.

Vado mori, nequeo miser intractabile Lethum,
Nec *prece*, nec *pretiò* flectere! vado mori.

Dapifer.

Vado mori *dapifer*, Mors virus miscuit *escis* ;
Dum *prælibavi* paucula, vado mori.

Pincerna.

Vado mori, nullam dant *pocula pota* salutem ;
Pocula fecerunt, quòd modò vado mori.

Ephabus.

Vado mori, Mortem reginam testor, *ephabum*
Me cupit, aula vale *pristina*! vado mori.

Morio.

Vado mori *stultus*: si Mors non esset, in orbe
Stultis plena forent omnia, vado mori.

MUSICI.

Mors.

MUſice plaude manu, pede plaudito, voce
chelique;

Sic omnis tetricæ Mortis amaror abit.

Capella Magister.

Vado mori, ludat jam Musica mœſta PIANO ;
ALLEGRO tædet ludere, vado mori.

VO-

VOCALISTÆ.

Discantista.

Vado mori, poteram modulando saxa movere;
Mors immota manet duraque, vado mori.

Altista.

Vado mori; vox, spes, & amor festinat in *altum*.
Ad cæli propero gaudia, vado mori.

Tenorista.

Vado mori, cecini modulamina dulcia quondam;
Hæc est finalis nœnia: vado mori.

Bassista.

Vado mori, querulos imitor moribundus olores.
Fata cano rauco gutture, vado mori.

INSTRUMENTALISTÆ.

Organista.

Vado mori, folles *expiravère* gementes;
Nunc mea *mutescunt organa*, vado mori.

Tiorbista.

Vado mori: si Mors non esses furda, movere
Te mea deberet musica, vado mori.

Cymbalista.

Vado mori, pecudes resonantia *cymbala* mulcent;
Mortem non mulcent *cymbala*, vado mori.

Violinista.

Vado mori, ruptâ non possum ludere *chordâ*,
Corde nec abrupto vivere, vado mori.

Gambista.

Vado mori, *chordâ* Mors semper oberrat eâdem;
Est auditori *nausea*, vado mori.

Violoncellista.

Vado mori, resona mea *pandurella trophæa*;
Augebo cæli cantica, vado mori.

Violonista.

Vado mori, perrumpe tuum *pandura tri-um-phum*,
Ludens illudens *tar-ta-ra!* vado mori.

Cornicen.

Vado mori, plenis inflavi *cornua* buccis;
Nunc mea suspendo *cornua*, vado mori.

Buccinator.

Vado mori, binas cava *buccina* clangit in aures,
Ut sistat coram iudice, vado mori.

Fagotista.

Vado mori, vultu consuevi flare rubenti;
Nunc efflans animam palleo, vado mori.

Haboista.

Vado mori, careo spiramine, nescio flare;
Mors mea constrinxit guttura, vado mori.

Tubicen.

Vado mori; stertam, donec clangore *tubarum*
Exciter è tumuli fornice, vado mori.

Tympanista.

Vado mori, resonum date tympana pulsa tumul-
tum;
Sic ego cum sonitu transeo, vado mori.

STATUS JUDICIALIS.

Mors.

PArs condemnatur; quamvis audita negetur;
Est in iudiciis lex tamen æqua meis.

Judex.

Vado mori *Judex*, hæc est *sententia* Mortis,
Quam Deus ipse tulit, non homo, vado mori.

Assessor.

Vado mori *Assessor*, jussit me surgere Lethum;
Interdicta mihi *sessio*, vado mori.

Protocollista.

Vado mori, scripsi toties ego fontibus: ACTUM;
Est *actum* mecum denique, vado mori.

Advocatus.

Vado mori, potui multorum vincere causas,
In causa propria concido, vado mori.

Notarius.

Vado mori, frustra fit *protestatio* contra;
Nil valet hæc juris formula, vado mori.

Actor.

Vado mori, nulli contra datur *actio* Mortem;
Non habet illa *forum* juraque, vado mori.

Testis.

Vado mori, Christus *Judex*, & Tartarus *actor*,
Mens *rea testis* erit conscia, vado mori.

Reus.

Vado mori, causâ cecidi, condemnor in omnes
Expensas, solvo cum cute, vado mori.

ACADEMIA.

Mors.

Quisquis Apollineo nomen concedidit Albo,
Prodeat! ad festum funebre quemque cito.

Pedellus.

Vado mori, me mox *Academia* tota sequetur,
Cum *Sceptro* Mortis præmigno, vado mori.

Rektor Magnificus.

Vado mori, jam Morte *citor* veniente *Pedello*
Magnificus Rektor, pareo, vado mori.

FACULTAS THEOLOGICA.

Mors.

Res est, Theologi (r) nimis ardua TRINUS & UNUS,
Mors est materies viribus æqua magis.

Doctur SS. Theologia.

Vado mori; docui, *quid trinum Numen & unum;*
Nunc me *trine Deus* suscipe! vado mori.

Interpres Sacrae Scriptura.

Vado mori, Mortem genuistis Adamus & Eva;
Hoc est in causa, cur ego vado mori.

Controversista.

Vado mori, cepit nunc *controversia* finem,
Mors mea decedit jurgia, vado mori.

Casusista.

Vado mori, posuit Mors adversaria *casum*,
Quem verè nequeo *solvere*, vado mori.

Moralista.

Vado mori, titulò quò *Moralista* vocabor?
Morti nec *mores*, nec *mora*, vado mori.

Canonista.

Vado mori, mors est homini *decreta* cuivis;
Has *decretales* explico, vado mori. Do-

(r) Theologus habet primam origine brevem, sed Ovvenus & alii necessitate metri producant.

Doct̃or Bullatus.

Vado mori; nihil est, nisi *bullā*, scientia nostra,
Et quid vita? brevis *bullula*, vado mori.

Licentiatus Theologia.

Vado mori, non est rata nostra *Licentia* Morti,
Non sinit hūnce gradum sumere, vado mori.

Theologus Speculativus.

Vado mori, *flammis an materialibus Orcus*
Ardeat, experiar denique, vado mori.

Theologia Candidatus.

Vado mori; dum mente Deum super astra videbo,
Magnus *Theologus* tunc ero, vado mori.

FACULTAS JURIDICA.

Mors.

Cultores Themidis, (s) *legūmque* venite periti!
Quæ *via* sit *furis*, vos docuisse volo.

Juris utriusque Doct̃or.

Vado mori, sanctum Jus est, *injuria* nulli.
Hic fit, & hic *nulli gratia*, vado mori.

Professor Juris Publici.

Vado mori, terras dat *publica jura* per omnes.
Mors legum *latrix* maxima, vado mori.

Professor Feudorum.

Vado mori; *feudum* vita est humana, *repscit*
Hoc Dominus *fixo* tempore, vado mori.

Professor Novellarum.

Vado mori, Mortis non sunt in *Jure* *novellæ*;
Stat, stetit, & stabit *lex* ea; vado mori.

(s) Themis Dea Justitiæ.

Professor Codicis.

Vado mori, *codex* reteget mea crimina major
Justiniano codice, vado mori.

Professor Digestorum.

Vado mori, quævis Mors *digerit* ordine nullo;
Cum Doctore venit morio, vado mori.

Professor Institutionum.

Vado mori, gentes Mors jus exercet in omnes,
Omnis obedit ei natio, vado mori.

Licentiatus Juris.

Vado mori, Mors atque Themis sunt, credo, sorores;
Nullum respiciunt utraque, vado mori.

Jurista Practicus.

Vado mori, nunc *Ivo* (t) tuam demittito *scalam*,
Ut cælum possim scandere, vado mori.

Candidatus Juris.

vado mori *Jurista*, *suum* Mors æqua cuique
Reddit, & hæc legum sanctio, vado mori.

FACULTAS MEDICA.

Mors.

Eripuisse mihi Medicus se jactitat ægros;
Nunc te Phæbe (u) tuâ, si potes, arte juva.

Doctor Medicinæ.

Vado mori *Medicus*, medicâ Mors prævalet arte;
Morbos non colibent vincula, vado mori.

Profes-

(t) S Ivo Jurista & Advocatus, de quo jocosè dicitur, quòd
scalam in cælum attraxerit, nè Juristæ possint ascendere.
(u) Phæbus vel Apollo Deus Medicorum, sumitur
à Poëtis pro perito Medico.

Professor Anatomie.

Vado mori, fiam veriffima Mortis imago ;
Instat membrorum sectio, vado mori.

Professor Chimie.

Vado mori, Mors me vult ingeniosa docere.
Materiam primam quærerè, vado mori.

Professor Botanice.

Vado mori, contra Mortem nec *gramen* in horto,
Nec *panacea* solet crescere, vado mori.

Licentiatus Medicinæ.

Vado mori, *licitum Medicis* occidere dicunt ;
Hoc in Morte vacat scommate, vado mori.

Medicinæ Candidatus.

Vado mori, non est hominis *sanabile corpus* ;
Cum Mors enervat *pharmaca*, vado mori.

FACULTAS PHILOSOPHICA.

Mors.

MORS NULLI PARCIT : Vos lumina clara So-
phorum.

Hanc oppugnetis, Præsîde Morte, thesin.
Philosophiæ Decanus.

Vado mori, siquidem Mors est *non esse*, *Decanus*
Qui fueram, posthac non ero, vado mori.

Promotor.

Vado mori, Mors arte rudes artisque peritos
Promovet, invitâ Pallade, (x) vado mori.

B 5

Pro-

(x) Pallas Dea Sapientiæ.

Promotus.

Vado mori, cassos habuit *promotio* sumptus;
Scandere Mors prohibet pulpita, vado mori.

Præses Disputationis.

Vado mori, sub me fervebant *Præsides* pugnae;
Nunc cum Morte theses ventilo, vado mori.

Defendens.

Vado mori, Morti *concedere* debeo totum;
Frustra *distinguo*, vel *nego*, vado mori.

Opponens.

Vado mori, quid me Fatis *opponere* conor!
Cum surdis frustra *disputo*, vado mori.

Doctör Philosophiæ.

Vado mori, Princeps ubi nunc *Doctörque* *Sophiæ*,
Magnus Aristoteles, vel Plato? vado mori.

Magister septem Artium.

Vado mori, *septem* quid *discere* profuit *artes*?
Nulla docet longum vivere, vado mori.

Professor Metaphysicæ.

Vado mori, summum ENS, cuiuslibet *entis* origo
Tu *miserere* mei, cum modo vado mori.

Professor Physicæ.

Vado mori, corpus quis *naturale* vetabit
Objectum *Mortis* ponere? vado mori.

Professor Physicæ Experimentalis.

Vado mori, *Physicam* potero post fata *suprema*
Experimentalem tradere, vado mori.

Professor Logica.

Vado mori, *Syllogismum* (y) Mors fecit, in illo
Invenio *medium* nullibi, vado mori.

Philosophia Magister.

Vado mori, *Sophia* (qualis tum) verus *amator*
Non curat mundi ludrica, vado mori.

Philosophia Baccalaureus.

Vado mori, titulos dat *Philosophia caducos* ;
Bacca perit, flaccet *laurea*, vado mori.

Philosophia Repetitor.

Vado mori, Mors est *vitiosus circulus*, illum
Nulla cavere docet *regula*, vado mori.

Metaphysicus.

Vado mori, nihil est reverà mortis imago !
Me tamen ipsa potest angere, vado mori.

Physicus.

Vado mori *Physicus* ; quid sit *natura*, docebor
Solvens *naturæ debita*, vado mori.

Ethicus.

Vado mori, valeas *Ethice* ! tua *regula nulla est* ;
Mors non vult *mores* discere, vado mori.

Logicus.

Vado mori *Logicus* ; non est tam forte *dilemma*,
Quod Mortem possit *stringere*, vado mori.

Sophista.

Vado mori ; nullum scio tam subtile *sophisma*,
Quod mortem possit *fallere*, vado mori.

Dia-

(y) Syllogismus habet secundam origine brevem, sed
teste P. Aler, ob necessitatem tunc producit, vide
gradum ad parnassum.

Dialecticus.

Vado mori, Mors est fatalis terminus, illum
Copula nulla potest necere, vado mori.

M A T H E S I S.

Mors.

Naturam superas, aut æquas docta Mathesis,
Sed me non æquas, nec superare potes.

Professor Mathesis.

Vado mori, vitamque Deum, volucrumque vo-
latus,

Hæc duo posteritas erue, vado mori.

Astrologus.

Vado mori, cæli speculator, totus in astris;
Ut propius spectem sidera, vado mori.

Geographus.

Vado mori, regio nulla est incognita Morti,
Omnia Mors lustrat climata, vado mori.

Geometra.

Vado mori, toto non est locus ullus in orbe,
In quo me possim condere, vado mori.

Gnomicus.

Vado mori, moritur Titan(z) oriturque; perennem,
Dum morior, noctem dormio, vado mori.

Arithmeticus.

Vado mori, numerus non est numerabilis ille,
Quot Mors occidat corpora, vado mori.

HUMA-

(z) Titan idem est cum Sole:

HUMANIORA.

Mors.

Vos quibus inferior gradus est in Palladis aula,
Cum Ducibus vestris Mortis adite scholam.

Professor Eloquentia.

Vado mori, Mors furda manet; si Tullius (a) essem,
Irrita nostra foret dictio, vado mori.

Orator.

Vado mori, quando finitur dictio, DIXI,
Dicere nunc, VIXI, debeo, vado mori.

Poëta Laureatus.

Vado mori, vestrum Musæ lugete Poëtam!
Heu mihi! Mors non est fabula, vado mori.

Professor Rhetoricæ.

Vado mori, valeantque tropi, valeantque figura!
Nil juvat ornate dicere, vado mori.

Professor Poësis.

Vado mori, finem quæras in carmine tyro!
In vita finem respice, vado mori.

Magister Syntaxis.

Vado mori, quoddam capit excipe regula quævis,
Excipitur Mortis regula, vado mori.

Magister Grammaticæ.

Vado mori, nullum beat emendata loquela,
Ast emendate vivere, vado mori.

Magister Rudimentorum.

Vado mori, Mors præterito, præsentè, futuro,
In quovis regnat tempore, vado mori.

Magi-

(a) Nomen Ciceronis.

Magister Principiorum.

Vado mori, tantum *sex casus* esse docebam,
Mors repetit centum millia, vado mori.

Rhetor.

Vado mori, nulla Mors *persuadetur* ab arte,
Ut velit oranti parcere, vado mori.

Poëta.

Vado mori, *longam* volui *producere vitam*,
Mors *breviavit* eam, cum modò vado mori.

Syntaxista.

Vado mori, volui *conscendere* culmina Pindi,
Facta mihi Mors est obvia, vado mori.

Grammaticus.

Vado mori, Mors est *indeclinabilis* omni
Grammatico, valeant *grammata!* vado mori.

Rudimentista.

Vado mori, Mortem (*sexum* quia *claudit utrumque*)
Communis generis censeo, vado mori.

Principista.

Vado mori, *Casus* Mors *Ablativus* habetur;
Mortales aufert undique, vado mori.

Purgator.

Vado mori, pravis *purgat* Mors civibus urbes,
Et malè morigeris, *Gymnada*, vado mori.

Pulsator.

Vado mori, *finis* *pulsatur*, abite Scholares!
Classis habet finem vitæque, vado mori.

Præceptor.

Vado mori, *Præceptor* eram, *Præcepta* relinquo.
Hæc edificatur lectio: vado mori.

Alpha

Alphabetarius.

Vado mori, Mors est *finalis littera*, totum
Nunc *Alphabetum* calleo, vado mori.

STATUS CIVILIS.

Mors.

O Cives! Cives! vestras Mors intrat in urbes,
Mors spoliat pagos, rustica turba, tuos.

Satrapa.

Vado mori, *Satrapas* iratos munera placant;
Munera non placant funera, vado mori.

Consul.

Vado mori *Consul*, quis jam mihi *consulet*, oro?
Consilium nullum rescio, vado mori.

Prætor.

Vado mori, frustra *prætor* (b) pro plebe *perorat*;
Mors nulli parcit, nec mihi, vado mori.

Senator.

Vado mori, fueram distinctus plebe *Senator*,
Nunc cum communi turbine vado mori.

Civis.

Vado mori *Civis*, non sum securus in urbe;
Mors urbis scandit mœnia, vado mori.

Rusticus.

Vado mori ruris renovator *rusticus*; an Mors
Me non rusticior sit, rogo? vado mori.

Vinitor.

Vado mori, *vites* sumunt per vulnera *vires*;
Post mea sic vivam funera, vado mori.

Vil-

(b) PRÆTOR per anagramma PERORAT.

Villicus.

Vado mori, teneor *rationem* reddere *villa*;
Si non subsistam, vae mihi vado mori.

STATUS OECONOMI- MICUS.

Mors.

Oeconomus parcit, comparsum prodigit haeres,
Sic solers aliis mella recondit apis.

Oeconomus.

Vado mori, quid me iuvat *Oeconomia* fidelis?
Cui quaeso, parsi? non mihi; Vado mori.

Mercator.

Vado mori, flavos notus *Mercator* ad Indos;
Nunc mea cessabunt cambia, vado mori.

Scriba.

Vado mori, duro lex est in marmore *scripta*;
Radi nulla potest *littera*, vado mori.

Teloniarius.

Vado mori, Morti sunt mille *telonia*, debent
Omnes *vectigal* pendere, vado mori.

Chirurgus.

Vado mori, *vulnus* frustra *curare* laboro,
Quod fecit Mortis lancea vado mori.

Apothecarius.

Vado mori, si centum obeunt, vix astra adit unus;
Sic passim superant crimina, vado mori.

Barbitonsor.

Vado mori, *barbam* cultelli cuspide rasi;
Mors falcem sumit rustica, vado mori.

Bal-

Balneator.

Vado mori, manat gelidus de corpore sudor;
Inferni timeo *balnea*, vado mori.

Caupo.

Vado mori *caupo*, venit novus *hospes* in ædes;
Eheu! pellor ab hoc hospite, vado mori.

Coquus.

Vado mori *coquus*, à Stygia me, quæso, culina
Jupiter astripotens protege! vado mori.

Hortulanus.

Vado mori, pictos adamavi floribus *hortos*;
Rus lubet Elysium *visere*, vado mori.

Nauta.

Vado mori, portum Mors omnes portat ad unum;
Omnes expectat *Navita* (†) vado mori.

Venator.

Vado mori, Mors est *venatrix* optima, nunquam
Illius errârunt spicula, vado mori.

Piscator.

Vado mori, pisces hamo mendace fefelli;
Nunc Mors decepit me quoque, vado mori.

Auceps.

Vado mori; casses avibus dum tendo dolosos,
Illabor Mortis retia, vado mori.

Auriga.

Vado mori, novi variarum strata viarum;
Nunc iter ignotum *visito*, vado mori.

C

Opera-

(†) Charon, Nauta infernalis, qui animas defunctorum
ad litus Elysium trajicere fingitur.

Operarius.

Vado mori, calido panem sudore lucrabar,
Nunc rigeo mortis frigore, vado mori.

Triturator.

Vado mori, matrem (b) noctuque diuque flagello;
Vindicias sumit filia, (c) vado mori.

Messor.

Vado mori, Mors falce metit, Mors corpora sternit,
Ut messor sternit gramina, vado mori.

Fossor.

Vado mori fossor, fossam Mors fecit apertam;
Hanc (cheu!) moriens incido, vado mori.

Liquicida.

Vado mori; sicut tremuit icta bipennibus ornus,
Sic ego, ceu pinus, decido; vado mori.

Opilio.

Vado mori, prædatur oves lupus improbus, & Mors
Aufert Pastorem de grege, vado mori.

Caprarius.

Vado mori, querulæ lamenta ciete capellæ!
Custodem vestrum plangite! vado mori.

Bubulcus.

Vado mori, reboat bos, & tu vacca remugis,
Grex plangit, quod ego tam citò vado mori.

Subulcus.

Vado mori, nigra Mors non est Judæa propago;
Devorat illa fues cum duce, vado mori.

Anser-

(b) Ceres Dea frugum sumitur pro frugibus.
(c) Proserpina Cereris filia, uxor Plutonis, arbitra mortis.

Anserarius.

Vado mori, textit Capitolia pervigil anser;
Prisca fides ubi nunc impie? vado mori.

Vigil Nocturnus.

Vado mori, sumno cives audite sepulti,
Horam supremam buccino; vado mori.

ARTIFICES.

Mors.

ARtificum lacrymæ sunt, & sine fine querelæ,
Scilicet; *Ars longa est, vitæque nostra brevis.*

Architectus.

Vado mori, cælum domus est æterna *Tonantis,*
Hanc contemplari gestio, vado mori.

Pictor.

Vado mori, vivam pinxi morientis ideam;
Effigies ero nunc optima, vado mori.

Sculptor.

Vado mori, *sculpsi* vultus & spicula Mortis;
Mors mihi vult pretium solvere, vado mori.

Statuarius.

Vado mori, solido statui de *marmore* Mortem,
Quam nunc *marmoream* sentio, vado mori.

Gemmarius.

Vado mori, duri *lex est adamantina* Fati,
Hanc mollire negas ars mea, vado mori.

Horologiarius.

Vado mori; spero, quòd erit tunc *hora secunda,*
Cum Mors me solvet corpore, vado mori.

OPIFICES.

Mors.

EX operis opifex vivis manuúmque labore,
Nunc nostrâ debes occubuisse manu.

Faber lignarius.

Vado mori, sum truncus iners & inutile lignum,
Et tantum tincis prodero, vado mori.

Faber murarius.

Vado mori, murus non est tam durus & asper,
Quem mors non valeat rumpere, vado mori.

Lapicida.

Vado mori latomus, Mors est immobile saxum,
Desperans hebeti cuspide vado mori.

Faber ferrarius.

Vado mori, ferrum mollitur ab igne domanti,
Mors est molliri nescia, vado mori.

Sartor.

Vado mori Sartor, Mors vitæ perbreve filum
Decidit diro forfice, vado mori.

Sutor.

Vado mori sutor, nigra pix mihi semper adhæsit,
A pice me servent Numina! vado mori.

Textor.

Vado mori textor, nequeo diducere telam,
Abrupto vitæ stamine vado mori.

Scriniarius.

Vado mori, tumbam fabricanti Mors mihi dixit:
Arcem, quam fabricas, incole! vado mori.

Victor.

Vietor.

Vado mori Bacchi famulus, deprensus in aula
Diogenis, valeant vascula! vado mori.

Molitor.

Vado mori *molitor*, *furfur*, far sæpè lucrabar;
Omne lucrum cessat, sta mola! vado mori.

Pistor.

Vado mori *Pistor*; si quis vult pinferere, pinfat!
Panem non comedam postinodò, vado mori.

Lanius.

Vado mori, *lanii vitulos*, Mors aspera mactat
Nos lanios, Mortis victima vado mori.

Figulus.

Vado mori *Figulus*, testas à stercore feci;
Mors facit è figulo stercora, vado mori.

Alutarius.

Vado mori, pelles tractavi semper olentes;
Nunc ego pellis ero sordida, vado mori.

Vitriarius.

Vado mori, leni *vitrum* breve frangitur ictu;
Vita brevis *vitrum* debile, vado mori.

Metallarius.

Vado mori, venas avidus reperire metalli;
Scrutabor terræ viscera, vado mori.

Scandularius.

Vado mori, tecto me Mors aspexit in alto,
Ex alto præceps culmine vado mori.

Caminarius.

Vado mori, Stygios nolim purgare caminos;
Crux sacrosancta fuget Dæmona, vado mori.

STATUS MILITARIS.

Mors.

Nunc telis opus est, ut belli fulmina sternam,
Nè superet vires Martia turba meas.
Nullâ parte tamen nostrum despero triumphum,
Quamvis Mars pugiles adjuvet ipse suos.

CASTRA PRÆEUNTES.

Mors.

Designatores, qui semper castra præitis,
Castra secuturis ponite militibus.

Belli Commissarius.

Vado mori belli bellatorumque revisor:
Mors pro me revides agmina, vado mori.

Præfectus (d) Castrametatorum.

Vado mori, assignat Mors diversoria turbis,
His cœlos, aliis tartara, vado mori.

Castrametator. (c)

Vado mori; miror, quòd me Mors ire jubebit;
Hospitium spero nobile, vado mori.

Tutor (f) Castrametatoris.

Vado mori; velut agnus ovem tutatur ab urso.
Sic ego messorum protego, vado mori.

CASTRA.

Mors.

Bellonæ pugiles, totum qui vincitis orbem,
Discite, quòd Mortem vincere nemo potest.

Gene-

(d) Der Regiments-Quartier-Meister. [c] Der Compagnie-Meister / oder Fourier. [f] Der Fourier-Schütz.

Generalissimus.

Vado mori Martis director, duxque supremus;
Nunc cum Morte miser dimico, vado mori.

Generalis.

Vado mori, spes nulla fugæ, spes nulla triumphû;
Cogor me Morti dedere, vado mori.

Chiliarchus.

Vado mori, sed corde bono; sic strenua Mortem,
Vincimus Heroum pectora, vado mori.

Vice-Chiliarchus.

Vado mori, quandoque sibi Mars otia quærit,
Mors sua continuat prælia, vado mori.

Supremus vigilum Præfectus.

Vado mori, frustra custodit limina miles,
Mors intrat spreto milite, vado mori.

Centurio.

Vado mori, centum pro centurione phalanges
Si pugnent, tutus non ero, vado mori.

Locumtenens.

Vado mori, nequeo constare locumque tenere;
Cedo locum Fatis, & modò vado mori.

Signifer.

Vado mori, Mors arma movet, moriemur in armis;
Vexillum Mortis præfero, vado mori.

Adjutor. (g)

Vado mori, brevis est hodie data tessera (h) nobis.
Hæc duo nimirum verbula: vado mori.

C. 4.

Taxiar-

Taxiarcha.

Vado mori, miles per me rudis arma docetur;
Nunc eadem doceo ponere, vado mori.

Decurio exemptus.

Vado mori, retuli morientium fata regenti,
Nunc alius referat, quod modo vado mori.

Scriba Castrensis.

Vado mori, Mors quemque legit, Mors agmina
lustrat,

Audito scribae nomine vado mori.

Decurio.

Vado mori magno cum stipite, plaudito miles!
Non tua decurram tergora, vado mori.

Tubicen.

Vado mori tubicen, pugiles ad bella ciebam,
Nunc hos ad funus convoco, vado mori.

Tubicen.

Vado mori, tibi Di, tibi Di, mea tibia dicit;
Di nequeunt Mortem vincere, vado mori.

Tympanista.

Vado mori, tu-mu-lum, tu-mu-lum, mea tympana
clamant;

Mors mea turbavit tympana, vado mori.

Miles exemptus.

Vado mori, me stentoreo vigil evocat ore,
Circitor ater adest, cedite! vado mori.

Miles gregarius.

Vado mori, frustra confurgere nitor in altum;
Sors vel Mors obstat aspera, vado mori.

Eques.

Eques.

Vado mori, portatus equò pernice volabam,
Nunc miser in merda decubo, vado mori.

Pedes

Vado mori, pes hæret iners, non assequor agmen,
Vix genibus possum reperere, vado mori.

Volo.

Vado mori, volo sum, sed nudo nomine tantùm,
Non volo, sed verè debeo, vado mori.

Miles obligatus.

Vado mori, frustra dimitti sæpè rogavi,
Nunc eportari debeo, vado mori.

Excubitor.

Vado mori, summum dedit hora novissimà signum,
Me statione mea solvite! vado mori.

Explorator.

Vado mori, vigiles iter exploravimus omne,
Mortis ubique latent retia, vado mori.

Præco Castrensis.

Vado mori, benè si morimur, victoria nostra est,
Et victis dabitur laurea, vado mori.

Miles in acie.

Vado mori, tormenta tonant, Mars fulminat ense,
Sperandum nihil est hìc, nisi vado mori.

Vulneratus.

Vado mori, sævum ferit præcordia telum,
Lethali tactus vulnere, vado mori.

Veteranus.

Vado mori, merces veterani militis hæc est:
Cum tandem senio languero, vado mori.

Conscriptor.

Vado mori, pugiles oblatò scribimus aurò. i.
Mors omnes audet cogere, vado mori.

Neo-Conscriptus.

Vado mori; perii, me Mars nequissimus emit,
Ut Morti posset vendere, vado mori.

Miles dimissus.

Vado mori, Martis jam sum deletus in Albo,
Nunc mea do Morti nomina, vado mori.

CASTRA SEQUENTES.

Mors.

Nulla fides pietàsque viris, qui castra sequuntur,
Indigni vitâ, si Maro vera canit.

Auditor.

Vado mori, culpas prælegi sæpe reorum,
Nunc delicta legam propria, vado mori.

Annona Præfectus.

Vado mori, moritura fame sunt castra, licebit
Annonæ curam negligo, vado mori.

Curruum Præfectus.

Vado mori, nos plena trahunt ad Tartara plaustra,
Aurigæ cursum flectite! vado mori.

Medicus Castrensis.

Vado mori, intrepidè Mors, ut medicina, bibenda est;

Sic omnis, cedit nausea, vado mori.

Chirurgus Castrensis.

Vado mori, demens alios curare laboro,
Ipse meî curam non gero, vado mori.

Apothe-

Apothecarius: Castrensis.

Vado mori, contra Mortem valitura medela,
In nulla restet *pixide*, vado mori.

Miles Invalidus.

Vado mori, castris Bellonæ dicor ineptus,
Mortis castra petam congrua, vado mori.

Transfuga.

Vado mori; spretum dum desero transfuga Martem,
In mortis fauces involo, vado mori.

Præfectus carcerum.

Vado mori, mundus nihil est, nisi carcer, in illo,
Nos onerant Mortis vincula, vado mori.

Carnifex.

Vado mori, resti multorum guttura strinxi,
Nunc quoque constricto gutture, vado mori.

Virgifer.

Vado mori; virgis mallem mea tergora cædi,
Quàm per iter Mortis currere, vado mori.

Caupo Castrensis.

Vado mori, praxis mea vinum miscuit undis,
Undas in flammam fundite! vado mori.

SEXUS FOEMINEUS

Mors.

Fœmina se factam de costa jactat Adamæ,
Non nisi de terra, cum sit origo viri.
Falleris, ô fragilis sexus! quia terra fuisti,
Ne dubita, limus terræque rursus eris.

MONIALES.

Mors.

Ordine Vestales primo properate puellæ!
Estis fœminei gloria prima chori.

Abbatissa.

Vado mori; sacrae, mea cura, valet Sorores,
Mater vestra fui provida, vado mori.

Priorissa.

Vado mori; quædam *claustrum* neglexit apertum,
Ut Mors intraret pallida, vado mori.

Sub-Priorissa.

Vado mori, mecum Mors *completoria* psallit,
Hoc cantu vitam *compleo*, vado mori.

Senior.

Vado mori, fatuis non sum de quinque puellis,
Ardentem porto lampada, vado mori.

Antistes Cella.

Vado mori, Mors est in cella lugubre spectrum;
Vidi, dum volui promere, vado mori.

Antistes Culinae.

Vado mori; peream, si *Mors* non regnet *in olla*;
Tangere te vereor cacabe! vado mori.

Magistra Movitiarum.

Vado mori, vobis hoc dogma relinquo, puellæ!
Absque metu Lethi vivite! Vado mori,

Ostiaria.

Vado mori, facilis decessio, pallida Lethi
Nocte diæque patent *ostia*, vado mori.

Monia-

Monialis.

Vado mori, clauſtro vovi concluſa manere,
Mors rupit clauſtrum votaque, vado mori.

Novitia.

Vado mori, vitam *tyrociniūmque* viciffim
Ante diem fixum termino, vado mori.

SÆCULARES.

Mors.

FOeminei flores! ſi ſitis ſidera terræ;
Extinguam veſtras Mors inopina faces.

Imperatrix.

Vado mori, ſummi conjux auguſta Monarchæ,
Nec veniam à Fatis *impetro*, vado mori.

Regina.

Vado mori; Mors eſt *via regia*, cogitur illam
Rex cum *Regina* tendere, vado mori.

Electrix.

Vado mori *Electrix*, ſic mundi gloria tranſit,
E lecto ad lethum tranſmeo, vado mori.

Duciſſa.

Vado mori, metam Mors omnes *ducit* ad unam,
Raptat nolentes *impete*, vado mori.

Principiſſa.

Vado mori, Jove digna fui, nunc putre cadaves
Aſpectu quemvis terreo, vado mori.

Comitiſſa.

Vado mori, duce Morte nigrâ; ter fauſta viatrix!
Cui *comes* eſt virtus candida, vado mori.

Baronessa.

Vado mori, cum falce tuâ Mors sœva quid audes?
Cum lolio sternis lilia, vado mori.

Matrona nobilis.

Vado mori; si spectat avis (i) Junonia crura,
Mox pudibunda cadunt sidera, vado mori.

Doctrinx.

Vado mori *doctrinx*, nil me *doctrina* tuetur,
Nam Mors est major Pallade, vado mori.

Prætorissa.

Vado mori, ô duram sortem! Mors rustica noscitur,
Quod sim *prætoris femina*, vado mori.

Domina.

Vado mori, Mortem *dominam* cognoscimus omnes,
Illius imperio subdita vado mori.

Civis.

Vado mori, civis fuerim, vel sponsa coloni;
Mors utramque vocas, utraque vado mori,

Rustica.

Vado mori, tua te Corydon (k) Amarillis amavi;
Nunc, si vis, aliam querito! vado mori.

Ancilla.

Vado mori, *dominam* socians *ancilla* sequebar,
Me tacito sequitur Mors pede, vado mori.

Vidua.

Vado mori, spes vana novum spondebat amantem;
Mors vetuit rurium nubere, vado mori.

Uxor.

Vado mori, sponso supremum dico Valetō,
Me nolens à te separo, vado mori.

Sponsa

(i) Pavo. (k) Nomina rustici & rusticæ ex Virgilio

Sponsa.

Vado mori, *chalamum* dum sterneretis *Amores*,
Cæpit *Mors* tumultum sternere, vado mori.

Puella Formosa.

Vado mori; spes vestra, proci, frustrata fefellit,
Me *Mors* abducit squalida, vado mori.

Puella Deformis.

Vado mori; quia pulchra negor, fugit omnis amator;
Mors me sola cupit ducere, vado mori,

Cantatrix.

Vado mori; *philomela* fui, nunc instar *alaudæ*
Conscendant modulans æthera, vado mori,

Saltatrix.

Vado mori, saltus semper mea vita fuerunt,
Hic nunc saltus erit *Mors* mea, vado mori.

Netrix.

Vado mori *Netrix*; nunc sic ego vulnero linum,
Ut mea *Mors* pungit viscera, vado mori.

Lotrix.

Vado mori; quis nunc indusia vestra lavabit,
Si *Lotrix* celeri funere vado mori.

Potrix.

Vado mori *potrix*; hoc vos rogo *Numina* supplex,
Et poter vestro *nectare*, vado mori.

Altercatrix.

Vado mori, *Socratis Xantippe*, plaude marite!
Pax tibi nunc dabitur, *pix* mihi, vado mori.

Nutrix.

Vado mori, nec *virgo* fui, nec *mater* habebam;
Quid fuerim, nolo prodere, vado mori.

Meretrix.

Vado mori *meretrix*, Venus Orci ducit ad umbras,
Hæc scorti *merces* ultima, vado mori.

Pellex.

Vado mori, non nupta viro, sed adultera *pellex*;
Uxor ova *pulsâ pellice!* vado mori.

Saga.

Vado mori, Stygiis ululat bubonibus æther,
In nigra regna vocor noctua, vado mori.

Furia.

Vado mori, Furia tres esse feruntur in Orco,
Efficiam quartam mortua, vado mori.

QUODLIBET.

Mors.

HActenus ad metam processimus ordine nullo;
Sed nunc, quod superest, ordine Mortis eat.

Politicus.

Vado mori; *Simula*, fuerat mea regula vitæ;
Mors simulare nequit seria, vado mori.

Criticus.

Vado mori, Mors & Criticus sunt, credo, sodales;
Ambo solent quemvis carpere, vado mori.

Scientificus.

Vado mori; studium, quod non de Numine sentit,
Exterior vanum, dum modò vado mori.

Idiota.

Vado mori, Deus ipse viro cum simplice vadit;
Hoc me solatur, dum modò vado mori.

Domi-

Dominus.

Vado mori; fuerat me servus ubique secutus;
Solutus iter longum nunc eo; vado mori.

Servus.

Vado mori; nequeo dominis servire duobus;
Cum duo sint, unum desero, vado mori.

Dives.

Vado mori; mea jam dormivi somnia dives,
Et nihil in manibus palpito; vado mori.

Pauper.

Vado mori; deumpto vix quidquam munere vitæ,
Possideo; rapit hanc Mors quoque, vado mori.

Epulo.

Vado mori; Bacchus lentâ pinguedine lassus,
Vermibus ampla dabo prandia; vado mori.

Irromastix. (1)

Vado mori; nostros *Sarrapa* dominamur in Iros;
Sed Mors est noster *Sarrapa*, vado mori.

Helluo.

Vado mori; quidquid tellus alit, æquor, & aër,
Omnia, Mors inquit, devoro; vado mori.

Mendicus.

Vado mori, monstrum Mors est immite ferumque;
Oro *stipem*, pellor *stipite*; vado mori.

Prodigus.

Vado mori, mea cura fuit, nè litiget hæres;
Hoc à me dives discito! vado mori.

D

Aut

(1) Monsieur Bettel, Bogt.

Avarus.

Vado mori, vitam vel opes Mors exigit, illam
Malo, quàm nummos perdere, vado mori.

Creditor.

Vado mori, multis credebam multa per annos;
Mors non vult horam credere, vado mori.

Debitor.

Vado mori, multum teneor, Mors omnia solvit.
Creditor hanc nummos exige! vado mori.

Tyrannus.

Vado mori, cicures fiunt in Morte tyranni,
Cor & mens trepidant anxia, vado mori.

Man. ipsum.

Vado mori, *servum* me Mors dimittit ovantem
Invitò dominò; júbilo, vado mori.

Amator.

Vado mori; valeas, mea lux, mea vita! videbo
Non ego te posthac, cur? quia vado mori.

Sortator.

Vado mori, discede Venus maledictaque pellex!
Per te Morte cado duplici, vado mori.

Lusor.

Vado mori *lusor*, pro vita munere lusi,
facta est infelix alea, vado mori.

Potor.

Vado mori, vinò noctúque diúque madebam,
Nunc Lethæa(m) bibam flumina, vado mori.

Fur.

(m) Lethe fluvius infernalis.

Fur.

Vado mori, funem fugit *fur* unus & alter,
Mortē tamen perit vindice, vado mori.

Prædo.

Vado mori, pagos Mors *deprædatur* & urbes;
Nec via tuta manet publica, vado mori.

Latro.

Vado mori, trepidat coram latrone viator,
Coram Morte *latro* contremo, vado mori.

Carnifex.

Vado mori, Mortis stat *carnificina* cuivis
Expectanda semel poenæque, vado mori.

Lictor.

Vado mori, fures ego latronesque ligavi,
Nunc à Morte *ligor*, ceu *latro*, vado mori.

Reus ad supplicium eductus.

Vado mori, densæ concurrunt undique turmæ,
Spectatum veniunt, quomodò vado mori.

BONI ET MALI.

Mors.

STerno bonos, & sterno malos, sed dispare Letho;
Nam sum vita bonis, exitiūmque malis.

Iustus.

Vado mori *iustus*, cæli tensurus ad axes;
Mors iusti vitæ janua, vado mori.

Impius.

Vado mori, Stygias peccator iturus ad umbras;
Mors peccatorum pessima, vado mori.

Pœnitens.

Vado mori, flentem me crimina respice Numen !
Nec cor contritum despice, vado mori.

Desperabundus.

Vado mori, vivum raperent me Tartara, vellem.
Non datur à cœlo gratia, vado mori.

MOBILES.

Mors.

VOs, quos Mercurius nunquam finit esse quie-
tos,

Nec dabitur vobis, me veniente, quies.

Præfectus (n) Veredorum.

Vado mori, rapidis properat Mors vecta veredis, (o)

Me cita diripiunt esseda, (p) vado mori.

Veredarius. (q)

Vado mori, lætos clauxisti sæpè triumphos;

Nunc, ô corniculum, concine: vado mori.

Tabellarius.

Vado mori; nigræ si quis vult scribere Morti,

Huc ad me tabulas mittito, vado mori.

Cursor.

Vado mori *cursor*, non est mora libera nobis;

Mors urgens est à tergo, vado mori.

Viator.

Vado mori, modò collegi mea vasa *Viator*,

Hæc via restat adhuc ultima, vado mori.

Pere-

(n) Postmeister. (o) Veredus. Post. Pferd. (p) Essedarii.
Post-Wagen. (q) Postillion.

Peregrinator.

Vado mori, terram tandem contingo petitam,
Salve cœlestis patria ! vado mori.

Vagator.

Vado mori, nequeo stabili consistere terrâ,
Sole novo semper gaudeo, vado mori.

Irrequietus.

Vado mori, poteram vivens ens mobile dici;
Mobile fit fixum, cum modò vado mori.

Garrulus.

Vado mori, nunquam volui potuique silere,
Os tandem nolens opprimo, vado mori.

Exul.

Vado mori, patriâ pepulit me Principis ira;
Mors fugat ex omni climate, vado mori.

Histrion.

Vado mori, scenâ me Mors deprêndit in ipsa,
Spectator valeas, *Histrion* vado mori.

Comœdus.

Vado mori, tragicum cepit comœdia finem;
Mors funestavit gaudia, vado mori.

Ardelio. (r)

Vado mori, novitatis amans, nova multa videbo,
Quorum Mors monstrat plurima, vado mori.

Musici Rusticorum.

Vado mori, modulor, cum Nisa (s) Mopsule salta,
Hopsa : tolle pedem Nisula ! vado mori.

[r] Ein vorwitziger Mensch.

(s) Nomina rustici & rustica ex Virgilio.]

AGMEN INVALIDUM.

Mors.

VOs ô languentes ! ad me curanda venite
Agmina, sum vestris Mors medicina malis.

Superbus.

Vado mori ; quòd sim, credebam, *nescio quantus* ;
Cerno, quòd pulvis sim modò, vado mori.

Stultus.

Vado mori, crebrò sinè causa *morio* rîsi,
Sed nunc cum causa lugeo, vado mori.

Cæcus.

Vado mori *Cæcus*, sed *cæco* lumine Mortis
Cerno viam, & recto tramite vado mori.

Surdus.

Vado mori *Surdus*, *surdà* tamen aure vocantis
Lethi clamores audio, vado mori.

Mutus.

Vado mori *Mutus*, me nil dicente loquuntur
Obvia quòque die funera, vado mori.

Claudus.

Vado mori *Claudus*, non est properare necesse,
Ad metam veniam sat citò, vado mori.

Podagricus.

Vado mori ; frustra, *Noli me tangere*, clamo ;
Mors mea contrectat viscera, vado mori.

ÆTATES.

Mors.

Turpè senex miles, (t) nec quadrat ad arma
puellus;

Ad arma castra senex, vir, juvenisque quadrant.

Senex.

Vado mori vitæ fatur annorumque, sepulchrum

Inquiro curvo tergo, vado mori.

Vetula.

Vado mori; cecidère rosæ, frondésque, comæque,

Rugis & spinis livida vado mori

Vir.

Vado mori, *Vir* eram, & vires robustus habebam,

Nunc cecidit *virtus* mascula, vado mori.

Fœmina.

Vado mori, *de carne viri* sum sumpta *virago*,

Cùm mare terra tamen nunc ero, vado mori.

Juvenes.

Vado mori; verax est Echo. Quæro, *juventus*

Quid sit; *ventus*, ait garrula, vado mori.

Virgo nubilis.

Vado mori *Virgo*, tua tela repone Cupido!

Succumbo Morti, non tibi, vado mori.

Puer.

Vado mori, *pueros fera Pessima devorat omnes*;

Credo, quòd Mors est hæc fera, vado mori.

Puella.

Vado mori primò marcescens flosculus avò:

Vix nascens orior, cùm modò vado mori.

D 4

RELI-

(c) Ovidius.

RELIGIONES.

Mors.

PLures, non omnes, agnoscunt Numen in astris,
Sed Mors à nulla *Religione* negor.

Christianus.

Vado mori, Christum colui: qui credit in illum,
Vivet in æternum, sic ego vado mori,

Judeus.

Vado mori, Christum Messiam pernegò verum:
Si tamen is fuerit, væ mihi! vado mori.

Mahometanus.

Vado mori, summum *Mahometum* credo prophe-
tam;

Sed si non fuerit, væ mihi! vado mori.

Ethnicus.

Vado mori cultor centum vel mille Deorum:
Cujus opem poscam nunc, ubi vado mori?

Atheus.

Vado mori; cœles, Erebumque, Deumque negavi;
An dentur, dubito nunc, ubi vado mori.

Indifferentista.

Vado mori, quodcunque lubet mihi credere,
credo:

Sed modò non vado, quò volo, vado mori.

Homo Bestialis.

Vado mori, veluti sine Numine bestia vixi,
Nunc etiam veluti bestia vado mori.

APPEN-

A P P E N D I X.

Mors.

Appendice sua quævis Processio gaudet,
Quod superest ergo, firmatis esto loco.

Spurius Legitimus.

Vado mori *Spurius* certo sine patre creatus;
Mors me legitimat, dum modò vado mori.

Clepsydrarius.

Vado mori, domui nunc est disponere tempus,
Effluxit vitæ *clepsydra*, vado mori.

Muscipularius.

Vado mori; mures ego, Mors me callida cepit,
Captus sum tecum *muscule*, vado mori.

Statista.

Vado mori, sic norma *Statistæ* ratioque requirit,
Mèque lubens statui commodo, vado mori.

Modista.

Vado mori, me mille modis aptare sciebam;
Quem mors induxit, non amo, vado mori.

Agaso.

Vado mori; lentis est sarcina *faccus* asellis;
Mors es *agasonum* sarcina, vado mori.

Magister Linguarum.

Vado mori *Doctor Linguarum*; nulla ferocem
Lingua potest Mortem flectere, vado mori.

Gladiator.

Vado mori, me Mors in arenam provocat: Eheu!
Comparere miser debeo, vado mori.

Saltator.

Vado mori, varias didici docuique choreas,
Nunc cum Morte novam saltito, vado mori.

Natator.

Vado mori, nabam securus in amne secundo,
Contra torrentem dum nato, vado mori.

Ludimagister.

Vado mori, pueros A. B. docuique puellas;
Mors me Ce De docet, cum modò, vado mori.

Edituus.

Vado mori, lucrum fecit mihi Mors aliorum,
Ipse lucrum Mortis sum modò, vado mori.

Vespillo.

Vado mori Mortis servus *Vespillo* fidelis;
Hæc sunt servitii præmia, vado mori.

EXHORTATIO AD MEMORIAM MORTIS.

Vado mori, rogitò, ne sit tibi nausea, Lector!
Nescis sæpè fatis dicere: *vado mori.*

Vado mori, binas has in Breviaria vestra
Presbyteri voces scribite: *vado mori.*

Vado mori, quicunque tuum latus instruis armis,
Illas in chalybem sculpito: *vado mori.*

Vado mori, calamum scriptor dum scindis & aptas,
Tenta, num possis scribere: *vado mori.*

Vado mori, compti juvenes, comptaque puellæ
In speculis vestris pingite: *vado mori.*

Vado

Vado mori, referat voces has janua quævis :

Egrediens, intrans, perlege : *vado mori*.

Vado mori, si quis, quò vadas, scire requirat,

Respondens illi dicito : *vado mori*.

Vado mori, dicat, quicumque perambulat orbem;

Mortis ubique patet semita, *vado mori*.

Vado mori, dic quisque, mari qui credis aquoso;

Vela volant, spumant æquora, *vado mori*.

Vado mori, repetas, quisquis vitalibus auris

Vesceris, intereunt omnia, *vado mori*.

Vado mori, centum quid vivere proderit annis?

Annis si centum vixero, *vado mori*.

Vado mori, vani quid prodest gloria mundi,

Quid profunt mundi gaudia? *vado mori*.

Vado mori, quid opes, & quid prodestis honores?

Nil potero mecum sumere, *vado mori*.

Vado mori, dicas, cum stratis manè resurgis:

Dic, cum strata petis vespere, *vado mori*.

Vado mori, dic sospes, in hac non luce laboro:

Fortassis funus cras ero, *vado mori*,

Vado mori, plangas, cum lecto sterneris æger;

Mors sua præmittit nuntia, *vado mori*.

Vado mori, miserere mei DEUS ætheris alti,

Peccavi, veniam da mihi, *vado mori*.

Vado mori, tu me morientem suscipe JESU!

In tua me trade vulnera, *vado mori*.

Vado mori, tibi vivo, tibi spes unica, fido

Christe! tibi vixi, nunc tibi *vado mori*.

DIA-

DIALOGUS FINALIS MORTEM INTER ET POETAM,

Poëta.

DE regno, Mors dura, tuo jam carmina feci.
Dic modò, versiculi quid meruere mei?

Mors.

Hoc tibi munus erit: Critici tua carmina carpent,
Pròque labore tuo victima Mortis eris.

Poëta.

Censurent Critici, carpant mea carmina Momi,
Nil equidem curo, tu modò parce mihi!

Mors.

Quomodò, vis, parcam? mendax in versibus esses;
Parcere me nulli nonne Poëta doces?

Poëta.

Magni mendaces debent audire Poëtæ,
Sique mihi parces, maximus esse volo.

Mors.

Mentiri vobis concessit Apollo Poëtis;
Sed modò nil falsum te cecinisse scias.

Poëta.

O vitæ reatrix! totum revocabo poëma,
Si mea servatrix esse benigna velis.

Mors.

Vanas mitte preces, & te disponito Morti;
Arcum solvo, vibro spicula, vado mori.

Poëta.

Hunc vos, ô Musæ, vestrum tumultate Poëtam.
Et signate brevi saxa thorúmque metro.

EPI-

ALIS
ET

EPITAPHIUM
AUTHORIS.

Hic *Lapicida* jacet, quem Mors homicida
necavit:

Sic nunc ille lapis, Mors *lapicida* fuit.

COLLOQUIUM
MORTIS ET ZOILI.

Mors.

Zoile, dic, quid habes, quod & huc illucque
revolvis?

Ad quid cervicem concutis, atque caput?

Zoilus.

Hic ego versiculos neonati lustrò Poëtæ,
In quibus invenio nil nisi *vado mori*.

Mors.

Hæc est materies, me judice, versibus apta;
Vita quid est hominis? nil nisi *vado mori*.

Zoilus.

Ridetur, *chordâ qui semper oberrat eâdem*;
Semper idem metrum censeo ridiculum.

Mors.

Carmina nè dicas eadem; cum singula sensum,
Singula conceptum continuere novum.

Zoilus.

Prolixus nimis est, ad quid tot carmina profunt?
Qui brevis & bonus est, ille Poëta placet.

Mors.

Mors.

Zoile deliras! versu conclusit in uno
Unumquemque statum, sat fuit ergo brevis.

Zoilus.

Lectio lecta placet, decies repetita placebit,
Plus quàm millenæ displicuère yces.

Mors.

Displicuère tibi, non displicuère perito
Lectori, quamvis Myrias (u) una foret.

Zoilus.

Ad quid metra coquo, qui non intelligit illa,
Vel tibi sartori, vel tibi, cerdo (x) facit?

Mors.

De bove Virgilius, de rana lusit Homerus;
Nec, quid sit versus, rana scit, & neque bos.

Zoilus.

Et tot versiculis laudabitur unus & alter;
Exiguam laudem plurima metra ferent.

Mors.

Cùm tot sint homines, est copia parva bonorum,
Zoile! deque tuis vix valet una comis.

Zoilus.

Ergo fecisset meliùs, satiùsque fuisset,
Carmina si non tot, sed bona pauca forent.

Mors.

Debet adhuc nasci post sæcula mille pœta,
Cujus non critices carmina, Mome dicax!

Zoilus.

(u) Eine Zahl von zehen tausenden.
(x) Schuß = Flicker.

Zoilus.

Vis & acumen inest variis, plausumque merentur;
Si tamen inspicias, frigida multa leges.

Mors.

Frigida materies Mors est, gaudentque poëtae
Carminè materiae conveniente suae.

Zoilus.

Præterea furti reus est; nam carmina legi,
Quorum par finis principiūque fuit.

Mors.

Mentiris nebulo! titulus fuit editus idem;
Distichon, aut idem nullibi versus erit.

Zoilus.

Si nil furripuit, vel ob illud carpo Poëtam,
Quòd tot versiculi non meminere mei.

Mors.

Arguis id rectè, sed & hoc ignosce Poëtae,
Me quoniam memorem supplicat esse tuū.

Zoilus.

Non idè de vate queror, nec carmina culpo,
Ut Mors obliti munera vatis agas.

Mors.

Audivi vatum de te scelerate querelas,
Nunc igitur pœnas suppliciumque dabis.

Zoilus.

Credendum nihil est mendacibus usque Poëtis.
Vatum, si qua fuit, falsa querela fuit.

Mors.

Ipsè Poëtarum de te queritur Apollo,
Utque semel tollam te, scelus, usque rogat.

Zoilus.

Zoilus.

Languerent artes, si non ego Zoilus essem;
Utile me quidam dixerat esse malum.

Mors.

Impia lingua sile! quin mergere Ditis in umbras
Vatibus invisum cœlitibusque caput!

Zoilus.

Ergo miser moriar; sed vos, ô quæso, Poëta;
Versiculô tumulum cōdecorate meum!

EPITAPHIUM ZOILI.

Zoilus huc cecidit, qui vatum carmina rosit;
Nunc à vermiculis roditur iste canis.

*Præcedentis Epitaphii correctio,
Addita à F. P. P. L.*

Zoilus haud cecidit, quamvis cecidisse videri
Ille potest; Vatum carmina rodit adhuc.
Mortuus esto tamen; cineres à morte supersunt;
Ex illis Phœnix Zoilus usque redit.

F I N I S.

libris effendi
malum

De Dicit in libro
capit.

quoniam, fides,
et caritas

TUM

L.

in carnis robore
et alia casta

corrupti,

P. L.

in videri vult
et non absc
sunt iugiter
videt

S.





Inches 1 2 3 4 5 6 7 8
 Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN® Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
Light Blue	Light Cyan	Light Green	Light Yellow	Light Red	Light Magenta	White	Light Skin	Light Gray
Dark Blue	Dark Cyan	Dark Green	Dark Yellow	Dark Red	Dark Magenta	White	Dark Skin	Dark Gray

A	1	2	3	4	5	6	M	8	9	10	11	12	13	14	15	B	17	18	19
		R	G	B			W	G			K			C	Y		M		

TIFFEN® Gray Scale

© The Tiffen Company, 2007